

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Icones sive imagines virorum literis illustrium

Reusner, Nikolaus

Argentorati, 1587

Gvilielmvs Bvdaevs Ivrecos

[urn:nbn:de:bsz:31-271751](#)

GVILIELMVS BVDAEV S IVRECO S.
Consil. Regius.



Solvtriusque vocor lingua Græca atque Latinae:
Haud satis hoc, Iuris Solvtriusque vocor.

M. D. XL.

GVIELMVS BVDAEVS LV-
tetiae Parisiorum, celebri literarum
domicilio natus, & educatus:
Cum Græcæ, tum Latinæ linguæ cognitione, o-
mnium non modò Galliæ, sed totius etiam
Europæ longè eruditissimus:
Ciuitatis in primis sapientiæ & Iurisprudentiæ
laude celeberrimus:
Senator Regius, suppliciumque in Regia
Libellorum Magister:
Quum perennem spectaret laudem, & rei familia-
ris fortunas, honoresque aulicos, ingenio
suo, & sperata gloriâ multò arbitra-
retur viliores:
Sexaginta amplius annis in ocio literatio
consumptis:
Ita ut summæ eruditionis libro de Asse, alteroque in
Pandectas edito, ac infinitâ demum lectione con-
fectis Commentarijs vtriusque Linguæ, nulli
communicata laude, æquales omnes
doctrinæ auctoritate su-
peraret;
Morum præterea sanctimoniam, & vitæ incul-
pate insignis innocentiam
Piè tranquilleque vitâ excedens, abdicatis testa-
mento prius omnibus prorsus fune-
ris & tumuli honoribus;
Fato functus est, noctuque tumulatus, Anno
M. D. XL. Aet. LXXIII. XXII. Augusti.

F v

IN GVLIELMV M BVD AEVM
Iurecos. & Consil. Regium.

EPIGRAMMATA.
IANI VITALIS.

Qui sanctum simul, & simul disertum
Exquiris sapientiae magistrum,
Vltra quid petis? hic iacet Budaeus.

IOAN. LATOMI.

Budaeus columnen decusq; Graium:
Budaeus Latia corona lingue:
Budaeus dubij lucerna iuris:
Budaeus pater elegantiarum,
Et fons totius eruditionis:
Budaeus patriæ inbar coruscum,
Regis délicium sui, suaq;
Tempestatis honos, lepos, voluptas:
Hic terræ exuicias reliquit, orbi
Famam, astris animam. Viator, ito.

M. SALMONII.

Budaeus voluit mediâ de nocte sepulcro
Inferri, & nullas prorsus adesse faces.
Haud factum ratione caret: clarissima quando
Ipse sibi lampas, luxq; corusca fuit.

MATTHAEI GRIBALDI.

Budaeus, pater elegantiarum,
Ne Galli inuideant, facit, Latinis.

IOAN. IACQBI BOISSARDI

Gallia, disce bonas artes, quies Graias abundat:

Hic Gracē est per quem tu doceare loqui.

THEOD. BEZAE.

ὅτις βολαῖορ γλώσση σὸν μάσατο φοίβοι

ἀμφοτέρας ἐρθνός φοίβοις ἔειπε μάλα.

ἄξια δὲ τὴν εἶπεν. μεῖζων γάρ ποτε λίον,

ὅς θυτοῖσι φάσος νοῦν πατασίν παρέχει.

IACOBI MICYLLI.

Maximus heu fato rapitur Budaeus iniquo:

Budaeus patriæ gloria summa suæ

Cui similem toto vidit nec Sequana regno:

Nec Rhodanus quantis circuit arua vadis.

Scilicet Argolice patefecit hic atria lingua:

Omniaq; à proprijs fontibus hausta dedit.

JOSEPHI à PINV

Eteostichon.

Occubuit clarus fato Budaeus iniquo,

Astra in castæ Sole sedente finu.

ATLANTI GREALDE